


AWIG – AWIG

DESA ADAT BALER BALE AGUNG



KECAMATAN NEGARA
KABUPATEN JEMBRANA
PROVINSI BALI

MURDHA – CITA

Om awignam astu nama sidham

Desa Adat sawewengkon ring jagat Bali makamiwah adatnyane sane sampun kalumbrah memargi tur maurip rauhing mangkin mula wantah tatamian saking para Sujana sane sampun amor ing acintiya ;.....

Desa adat inucap mula wantah paguyuban sang me Agama Hindu saking ngawit kakardi, kapuja saha kapasupati, mawanan Desa Adat iki Kasinanggeh angga maurip.

Desa miwah adatnyane tan wenten kamargayang utawi kalempasin saha kapurug, jaga karasayang olih I Ktama sekadi katiben kadurmagan utawi sekadi pangrubeda ring sajeroning angen I Krama, punika mawanan katitenin kaupapira sumangdene degdeg malarapan antuk Kakertaning Desa Adat.

Sidane Desa Adat inucap maurip tur memarga rawuhing mangkin malarapan antuk kahanan deweknyane kalingganan antuk TRI HITA KARANA inggih punika tigang pawos sane ngawanang nemu tata tentrem kertha raharja sekala lan niskala, luwirne :

1. Ida Hyang Parama Wisesa kang sinaggeh Utpeti, Stiti lan praline;.....
2. Pawongan kang sinanggeh Bhuwana Alit ;.....
3. Palamahan kang sinanggeh Bhuwana Agung ;.....

Sakaluwir sane wenten mula wantah wit asiki inggihpunika Ida Hyang Parama Kawi, miwah TRI PARARTA, inggih punika Asih, Puniya miwah Bakti , pamekas metu rasa utawi idep Paras Paros, Sarpanaya, sagilik saguluk, salunglung sabayantaka ;.....

Antuk punika makajalaran saking panghyaning Ida Hyang Widhi saha malarapan manah sane dahating mabuat tur lascarya, Paruman Pamucuk rawuhing Krama Desa Adat Baler Bale Agung mretaliang paigum gumawe Awig-awig Desa Adat iki, maka sepat siku-siku pamatut midabdabin kasukerta lingganing TRI HITA KARANA inucap, wastu kasidan praojanan mami kabeh prasama angidep miwah amanggehakan kadi linging Awig-awig iki ;

OM SHANTI SHANTI SHANTI OM

I
SARGA 1
ARAN LAN WEWIDANGAN DESA ADAT
Pawos 1

- (1) Mungguwing Desa Adat puniki mewasta : Desa Adat Baler Bale Agung
- (2) Jebar payar wewidaangan mawates nyatur luwire :
 - a. Sisih Wetan : Desa Adat Pendem
 - b. Sisih kulon : Desa Adat Kaliakah miwah Berangbang
 - c. Sisih Lor : Hutan Negara
 - d. Sisih Kidul : Desa Adat Puseh Agung Banjar Tengah
- (3) Wewidangan Desa Adat puniki antuk paruman Desa palamahannya kaepah dados 7 (pitung) Banjar Adat luwir ipun :
 - a. Banjar Adat : Taman Sari
 - b. Banjar Adat : Taman Amreta
 - c. Banjar Adat : Taman Yoga
 - d. Banjar Adat : Yasa Kerti
 - e. Banjar Adat : Kebon Sari
 - f. Banjar Adat : Pangkung Gayung
 - g. Banjar Adat : Pangkung Manggis
- (4) Wewidangan Banjar Adat puniki Antuk paruman Banjar, palemahannya kepeah makudang Tempek utawi Arahana

Pawos 2

- (1) Manut Tri-lingganing Desa Adat puniki yan pepalihannya anut kasusilaan pastika kanten kadi ring sor;.....
 - a. Utama Mandala : Sahanan parhyang ring Desa miwah tegak Kahyangan pinaka sirahyane, patut utama nyanggra kesuciannya.
 - b. Madya Mandala : Papupulan karang-karang paumahan, sawah lan tegal, pasar, margi, rurung, tukad lan telajakan Desa pinaka awak Desa Adat.;
 - c. Nista Mandala : Setra utawi tunom pinaka suku Desa Adat'
- (2) Wates wewidngan Subak Sawah lan Subak abian, patut;
 - a. Kamanggehang antuk Paruman Desa.;
 - b. Wawidangan subak inucap kangkat kaepah dados makudang tempek atawi arahan manut kabuatannyane;.....

Pawos 3

- (1) Banjar Adat, Subak Sawah lan Subak Abian miwah sahanan sekehe kapatutan ngardi Sima / Paswara miwah pararem, maka pamikukuh Awig – awig Desa Adat iki;
- (2) Sima / Paswara miwah pararem ring angka (1) Pawos iki tan wenang lempas ring daging Awig – awig miwah pararem Desa Adat Baler Bale Agung;.....
- (3) Banjar Adat, Subak Sawah lan Subak Abian miwah sehanan sekehe kangkat ngardi usaha, pamekas paolih-olihannya maka srana ngarajegang kasukertannyane
- (4) Banjar Adat, Kalih Subak Sawah / Abian patut maderbe piranti – piranti minakadi : Bale Banjar / Subak, Bale Kulkul miwah sane sewosan.

SARGA II
PATITIS LAN PAMIKUKUH
PAWOS 4

- (1) Pamikukuh utawi madasar antuk Pancasila miwah Undang-Undang Dasar 1945 ;
- (2) Tri Hita Karana manut Widhi – Tatwa, miwah tatwaning Bhuwana Agung lan Bhuwana Alit;

2
PAWOS 5

- (1) Luwir patitis Desa Adat ngupadi Moksartham Jagatditha ya ca iti dharma;.....
- (2) Ngarajegang kasukerta Krama kaping kalih kauripannyane tan mari malarapan antuk :
 - a. Dharma Agama minakadi, tatwan-asi, Tri Semaya (atita, nagata miwah wartamana) Tri Parartha (asih, puniya, bakti) ;.....
 - b. Dharma Negara minakadi peraturan perundang-undangan jagat ;.....

SARGA III
SUKERTA TATA KRAMA
PALET I
INDIK KRAMA

Pawos 6

- (1) Sane kabawos Krama Desa Adat inggih punika kulawarga sane ma Agama Hindu tur sampun katedunang makrama Desa Adat ;.....
- (2) Sajaba punika sinanggeh tamiyu sane sampun bulu angkep jumenek magenah ring wawengkon Desa Adat Baler Bale Agung, kalih nganutin tata-trepti ning adat ‘

Pawos 7

- (1) Sowang-sowang warga Desa utawi Banjar sane ampun buluangkep patut ngawi tedun dados Krama Desa utawi Krama Banjar Adat ;.....
- (2) Krama inucap patut keni ayah sinalih tunggil luwire ;

 - a. Ayah arep sapalaken (lanang-wadhu) ;
 - b. Ayah Balu / Ayah pengele (balu lanang wiyadin wadon yaning kantung madruwe putra lanang wiadin wadu sane sampun mabasa wiring ;.....

Pawos 8

- (1) Pawilangan ngawit dados Krama Desa utawi Krama Banjar Adat sakadi ring sor ;.....
 - a. Ngawit mapaumahan wiadin ngerereh pangupajiwa sajeroning palamahan Desa Adat Baler Bale Agung ;.....
 - b. Melarapan antuk pawiwahan sesampun kemi upakara biokala utawi sesuwen-suwen tigang sasih saking ngalap rabi ;.....
 - c. Krama Desa/Banjar sane ninggalin Desa/Banjar mawali malih tedun makrama sesampun nawur pamopog manut pararem;
 - d. Yening wenten tamiyu sane sampun jumenek 3 (tigang) sasih kapatutan ngeranjing makrama Desa/Banjar saha nawur pamopog manut pararem ;.....
- (2) Krama Desa utawi Banjar keni ayah miwah tetegenan sekadi ring sor ;.....
 - a. Ayah ngarep saking Krama keni papeson gegem ;
 - b. Ayah Balu/Pengele saking Krama Pengele keni papeson utawi pauron-uronan ;.....
- (3) Para sadaka, Pemangku Kahyangan Desa, cedangga banget, sakit tahunan , buduh, ayan, balu putung , luput saking ayah memata-matu miwah pakenan-kenan ;.....

Pawos 9

- (1) Tedun makrama Desa utawi Banjar kalih ngetang pasalin ayahan ngawitin nangkep penampihan Icaika utawi tanggal ping pisan sasih kadasa, sajawaning ngeninin ayah Balu utawi Pangele, wusan dados Krama miwah wawu tedun makrama, kaetang premangkin.

- (2) Kaluaega Hindu wiwitan warga Desa sewosan wenang ngeranjing makrama Desa Baler Bale Agung, Prade pacing jumenek mapaumahan, nannging patut atur upaksa ring Klihan Banjar sane ngawidangin genah paumahannya;
- (3) Kaluarga sane nyanggra tamiyu utawi dunungan patut atur upaksa ring Klihan Banjar sane ngawidangin genah sang nyanggra tamiyu inucap sanistannyane mawaneng arahina;

Pawos 10

- (1) Swadarmaning I Krama Desa utawi Banjar, sewos ring keni ayah-ayah patut ;
- a. Dreda atwang ring Desa utawi Banjar, tinut – satinut ring sedaging Awig-awig , Sima,Paswara miwah geguet-geguet Desa utawi Banjar :
- b. Tan maren ngutsahayang mangda Desa miwah Banjar mresidayang molihang tatujon sekadi munggah ring ajeng ;
- c. Nyanggra sukha kalawan dukha saking kertin Desa utawi Banjar ;
- (2) Swadarmaning Krama sane kasinanggeh tamiyu, patut ;
- a. Tinut – satinut ring sedaging Awig-awig , Sima,Paswara miwah geguet-geguet Desa utawi Banjar ngeninin indik ngupadi kasukertan sekala ;
- b. Tan wenten nungkasin sapemargin kertin Desa utawi Banjar ;
- (3) Krama Desa sinagken Galungan rawuh Kuningan , Puja Wali jelih ring Kahyangan Tiga patut memenjor saha nagingin umbul-umbul ring lebu pemedalan soang-soang ;

Pawos 11

- (1) Tatuwas utawi olih-olihan I Krama Desa, inggih punika :
 - a. Pasayuban Ngamanggehang pasukertan kulawarga , Agama saha druwennya sowang-sowang saking Desa utawi Banjar ;
 - b. Pengayom Prajuru manut dresta, ngeninin sangaskara kauripannya sane mabuat makadi mastikayang sulur pakulawargannya ;
 - c. Pengayom Prajuru ngeninin indik kasukertan miwah kasucian Parahyanganne, karangnyane miwah padruwennya saha kabawosin tur katiwakin pamutusnyane ;
- (2) Tatuwas miwah kapatutan I Krama Desa utawi Banjar sekadi munggah ring Pawos 7 luwire ;
- a. Kangkat mamilih wiadin kapilih minakadi dados Prajuru Desa utawi Banjar, Pamangku Kahyangan Desa miwah sane sewos-sewosan manut pararem ;
- b. Ngamiletin Paruman, tur kangkat mawicara, ngaturang pitaken-pitaken, jagra winungu sajeroning galah pawirasane, saha wenang mastikayang pamutus malarapan antuk Tri Parartha inggih punika : asih, puniya , bakti ;
- c. Polih pah-pahan pikolih sangkaning druwen Desa utawi Banjar tur tatuwas sane sewosan manut pararem ;

Pawos 12

- (1) Wusan ma-Krama Desa utawi Banjar Yaning ;
- a. Pinunas ngaraga, santukan sungkan-sungkanan, miwah santukan magingsir kadura Desa ;
- b. Kasepekang miwah kakarariyanang olih Desa utawi Banjar ;
- (2) Sang usan makrama Desa utawi Banjar sakadi munggah ring ajeng tan wenten polih pah-pahan saking raja brana Desa utawi Banjar;

4
Palet 2
INDIK PRAJURU
Pawos 13

- (1) Desa Adat Baler Bale Agung kaenterang olih;
 - a. Bandesa : maka Panuha Desa Adat;.....
 - b. Pangliman : maka Wakil Bendesa;.....
 - c. Panyarikan : maka juru surat Desa;.....
 - d. Patengen : maka Pangemong miwah ngelingang raja brana druwen Desa Adat;
 - e. Pamijian : maka Juru Pamargi/Panyanggra Desa Adat;.....
- (2) Banjar Adat miwah Tempek-tempek kaenterang olih Klihan Banjar miwah Klihan Tempek nungga-nungga, tur sowang-sowang nyane kasanggra olih ;
 - a. Pangliman : maka wakil klihan Adat utawi klihan Tempek ;
 - b. Panyarikan : maka Juru surat Banjar utawi Tempek;.....
 - c. Patengen : maka Pangemong miwah ngelingang raja brana druwen Banjar Miwah Tempek;.....
 - d. Juru arah : maka juru pamargi/nyanggra Banjar Adat utawi Tempek;..

Pawos 14

- (1) Bandesa, Klihan Adat miwah Klihan Tempek kapilih olih Paruman Desa, Banjar miwah Tempek manut dudonan;.....
- (2) Prajuru sane siosan sekadi ring ajeng kesudi olih Bandesa, olih Klihan Adat miwah Klihan Tempek ;
- (3) Sahanan prajuru patut mawiwit saking Krama Ayah Ngarep utawi Utama tur sampun polih cecumponan saking Krama Desa/Banjar malarapan antuk induk-indik sane sampun kasungkemin olih Krama sareng sami utawi suara sane kuwehan;.....

Pwos 15

- (1) Prajuru Desa, Prajuru Banjar Adat miwah Prajuru Tempek selamin-lamin ipun 5 (lima) warsa, tur sewusan punika kangkat kapilih malih saha maduluran pakeling ring Kahyangan Tiga Desa ;
- (2) Prajuru inggihan Desa, Banjra Adat miwah Tempek – Tempek kangkat tur patut kagentosin yadiastun watesipun sekadi ring ajeng durung telas, yaning ;

 - a. Lampus ;
 - b. Mapikayun saking dewek ngeraga ;
 - c. Sedeng ngelaksanayang Nara-Pidana ;
 - d. Wusan dados Krama Desa utawi Banjar ;
 - e. Asubha-karma miwah tan wenten ngelaksanayang swadharmaning Prajuru ;

Pawos 16

- (1) Swardamaning Prajuru Desa Adat, Prajuru Banjar miwah Tempek-tempek , inggih punika ;
 - a. Ngenterang sapamargan miwah pangelaksanaan sadaging Awig-awig, Pasuara, sima miwah Pararem Desa, Banjar Adat miwah Tempek ;
 - b. Nuntun tur ngenterang Krama ngupadi patitis lan kasukertan Desa, Banjar Adat miwah Tempek ;
 - c. Nyeledihin (ngewakilin) Desa, Banjar Adat miwah Tempek ngemiletin paruman wiyadin ngawentenang bebawos ring sapisira ugi manut swadarmannya sowang-sowang ;

- d. Pamargin lan pangelaksanaan Prajuru Desa, Prajuru Banjar Adat miwah Tempek sekadi ring ajeng patut kasinahang utawi kadartayang ring paruman Desa, Paruman Banjar Adat miwah Tempek kapungkuran ;
- (2) Tatuwas Prajuru Desa/Banjar/Tempek, inggih punuika ;.....
- Luput saking ayahan Desa, Banjar, Tempek, mematu-matu ;
 - Luput saking ayahan Subak wiadin Dinas manut pasilih-asih (pasuwitrayan)
 - Luput saking pakenan-kenan Desa, Banjar, Tempek manut pararem ;
 - Pikenoh saluwir dum-duman ring Desa, Banjar Adat ;
 - Olih-olihan sewosan manut pararem ;.....

Pawos 17

- (1) Swadharma lan kawenangan Bandesa miwah Klihan Adat inggih punika ; ...
- Nuntun tur ngenterang Paruman Prajuru utawi Paruman Sabha Desa miwah paruman-paruman Desa utawi Banjar ;
 - Ngenterang pamargin miwah pangalaksana sadaging Awig-awig, Pasuwara, Sima lan Pararem Desa/Banjar Adat ;
 - Ngenterang tatane ngangge saraja-brana druwen Desa/Banjar ;
 - Nuntun saha nyaksinin tata-cara miwah sangaskara ning kauripane mabuat, makadi mastikayang sulur pakula-wargane ;
 - Nuntn saha ngenterang I Krama ngupadi nginggilang Sanghyang Agama, kasucian pawongan, kasucian Palemahan miwah tata caraning ngangge setra utawi tunon ;
 - Mawosin lan niwakang pamutus marep ring wicaran I Krama Desa/Banjar ;
- (2) Swardamaning lan kawenangan Prajuru sewosan wantah nyanggra, nyeranin Bendesa utawi Klihan Banjar ;

Palet 8

INDIK PARUMAN

Pawos 18

- (1) Parikramaning Paruman Desa Adat luwire ;
- Peruman Desa, Banjar miwah Tempek ;
 - Paruman Sabha Desa Adat ;
 - Paruman Prajuru Desa, Banjar lan Tempek ;
 - Paaruman sekaha-sekaha ;
 - Paruman Prajuru miwah Krama Subak ;
- (2) Sahanan Paruman sidha lumaksana yening sampun katedunin antuk sang sane patut ngamiletin bilih langkung ring atenga keh ipun ;
- (3) Sahanan pamutus kautsahayang pisan mangda malarapan antuk dasar saling asah, saling asih, saling asuh utawi sagalak, sagilik, saguluk beriuik siyu, biih tan meresidayang, suwara makuwehan sinanggeh pamutus ;
- (4) Ring sahanan Parman tan maren kamanggalain antuk pangarcana ring Ida Bagawan Penyarikan Pamekas Ida Hyang Widhi saha widhi widana miwah kalanturang antuk pujastawa Trisandya ;

Pawos 19

- (1) Peruman Desa kalaksanayang sinangken warsa apisan, ring tanggal ping pisan sasih kadasa, tatujon miwah babuatannya luwir ipun ;
- Bandesa nartayang utawi nyinahang indik ngemargayang swadharmannya miwah kawenangannya sajeroning awarsa sane wau lintang minakadi sulur pamargi panelas artha berana druwen desa sane kaenterang miwah pidabdab pamargin usaha-utsaha Desane ;
 - Nartayang utawi nyinahang parikramaning munjuk lungsur Adat miwah ayah-ayahan ;

- c. Nartayang utawi nyihnayang indik pamargin usaha-usaha Banjar, Tempek miwah nyinahang indik I Krama sane keni danda kalih sahanan wicara saha pamutusnya ;
- d. Midabdabin rerancangan usaha-usaha kalih kertin Banjar/ Tempek kapungkur ipun miwah sane lian-lianan ;
- (2) Sahananing bebawosan ring ajeng katitenin saha katiwakin pamutus antuk paruman Desa -----
- (3) Pamutus Paruman inucap ring ajeng sinanggeh sepat siku-siku, patut katinutin olih I Krama Desa Adat-----

Pawos 20

- (1) Paruman Banjar miwah Tempek kawentenang sinagken 6 (enam) sasih apisan manut pamutus Banjar/Tempek sowang-sowang mastikayang rahina paruman tatujon ipun kadiring sor :
 - a. Klihan Banjar utawi Tempek nartayang utawi nyinahang sapamargin ngenterang utdaha-usaha miwah krtin Banjar miwah Tempek
 - b. Nartayang utawi nyinahang munjuk-lungsur Adat miwah ayah-ayahan : .
 - c. Nartayang utawi nyinahang indik pamargin usaha-usaha Banjar/Tempek miwah nyinahang indik I Krama sane keni danda kalih sahanan wicara saha pamutusnyane
 - d. Midabdabin rerancangan usaha-usaha kalih kertin Banjar/Tempek kapungkur ipun miwah sane lian-lianan
- (2) Sahananing bebawosan ring ajeng katitenin saha katiwakin pamutus olih Paruman Banjar/Tempek sinanggeh anut mikukuhang pamargin Awig-Awig, Pasuwara, Sima lan Pararem
- (3) Pamutus Paruman inucap ring ajeng sinanggeh sepat siku-siku, patut katinutin olih I Krama Banjar/Tempek sareng sami pamekas Parjuru Desa Adat -----

Pawos 21

- (1) Paruman Prajuru Desa/Banjar/Tempek utawi Pariman sabha Desa Adat kelaksanayang sakirang-kirang ipun asasih apisan nuju rahina Redite Kliwon, tatujon miwah kabuatannya manakadi ;
- a. Ngarincikang tata upaya ngalaksanayang usaha-usaha miwah pangerencana-pangerencana sakaluwire ;
- b. Nitenin indik pangelaksanaan sajeroning ngemargiyang sahananing kertin Desa/Banjar/Tempek miwah sane sewos-sewosan ;

Pawos 22

- (1) Paruman Desa/Banjar/Tempek/ Sekaha-sekaha kangkat kawentenang manut babuatan ipun yening sampun kacumponin antuk sakirang-kirang ipun pas tiga ping kalih saking gebog krama ;
- (2) Sajawaning kadi munggah ring ajeng, paruman Desa/Banjar/Tempek/Sekaha-sekaha. Taler patut kawentenang yening kawidi olih Krama sakirang-kirang ipun atenga langkung, tur sang ngawidi patut mastikayang bantang sane sandang bawosang ring paruman ;
- (3) Paruman Subak Sawah/ abian, Sekaha-sekaha manut bebuatan ipun sowang-sowang patut saeloan ring patitis Desa Adat Baler Bale Agung saha patut mapiuning ring Prajuru Desa/Banjar Adat ;

Pawos 23

- (1) Paruman Desa sane sinanggeh pangawisesa saha wenang mastikayang (nyelem-putihan) tata pangenter Desa Adat Baler Bale Agung kalaksanayang sinangken 5 (limang) warsa apisan, tatujon miwah babuatannya luwire ;

- a. Nguwah-nguwuhin Awig-awig lan Pasuwara miwah sima Desa Adat Baler Bale Agung.
 - b. Ngawentenang pamilihan Prajuru Desa Adat Baler Bale Agung.
 - c. Miwah sane sewos-sewosan saha dahating mabuat pisan.
- (2) Paruman Banjar Adat sane sinaggeh pangawisesan sahanane wenang mastikayang (nyelem-putihan) tata pangenter Banjar Adat ring sajeroning palemahan wewidangan Desa Adat Baler Bale Agung, taler kawentenan sinagken 5 (limang) warsa apisan, tatujon lan babuatannya luwire ;
- a. Nguwah-nguwuhin Pasuwara miwah sima lan Pararem Banjar Adat ;
 - b. Ngawentenang pamilihan Prajuru Banjar Adat ;
 - c. Miwah sane sewos-sewosan saha dahating mabuat pisan ;

Palet 4
INDIK KULKUL
Pawos 24

- (1) Kulkul Masuara nginutin Tri Btrata Sandi, minakadi Dharma, Sima miwah Laksana Pasuka-dukaan Fesa utawi Banjar, Luwire :
- a. Dharma : Kulkul Masuware nganutin Upacara/Upakara agama..... .
 - b. Sima : Kulkul Masuware nganutin Sekancan Dresta sane Kemanggehang.....
 - c. Laksana : Kulkul Masuware nganutin sekancan pakaryan sane kalaksanayang antuk Desa Utawi Banjar ;
- (2) Tabuh tatepakan kulkul pastika masewos-sewosan manut tatujonnya luwire :
- a. Tatengeran wenten upacara upakara yadnya :
 - b. Tatengeran wenten sinalih tunggil I Krama Desa/Banjar sane padem;
 - c. Tatengeran wenten sinalih tunggil krama istri sane merabian :
 - d. Tatengeran wenten sinalih tunggil I Krama Desa / Banjar Mdruwe Oka : .
 - e. Tatengeran wenten patuman miwah ngawit ngelaksanayang pakaryan : ...
 - f. Tatengeran wenten wong istri kaplagandang :
 - g. Tatengeran wenten sinalih tunggil I Krama Desa / Banjar keni panca-baya : sekadi
Kamalingan, karampok, kabahak, umah puwun, kebelaburan, kaamuk, mayuda magegawan sanjata miwah sekancan mamerat pati sewosan :
 - h. Tatengeran wenten bulan utawi surya kepangan, lindu, karawuhan meseh penegarane miwah sakancan mabayupati sewosan :
- (3) Siwaran kulkul sowang-sowang ttengeran inggih punika :
- a. Masuware nabuh nganutin irama, cihna wenten paruman miwah makarya /gotom royong sadurunge karihinin antuk siaran :
 - b. Masuware Ngoncang atuludanlampak cihna wnten bulan/surya kepangan, wenten lindu miwah wenten upacara Agama :
 - c. Masuware bulus pisan atuludan, cihna wenten kemalingan/kerampok/kebaak , umah puun, wong istri kalpelegandang miwah wong mayuda tanpa sanjata :
 - d. Masuware bulus pisan tigang tuludan, cihna wenten sang kerampok mamerat pati , miwah belabor Agung , :
 - e. Masuware bulus pisan tigang tuludan, cahna wenten sang ke amuk, wong mayuda masanjata miwah sakancan pati sewosan :
 - f. Suara kulku tulud telu nyihnayang weten sinalih tunggil I Krama Desa/Banjar lampus :
- Suwaran kulkul inucap kawastanin : SAD MAHA SUWARA MANGGALA DARA, Artos ipun : SAD ngaran nem, MAHA Ngaran Agung utawi mabuat, SUWARA Ngaran Irama, MANGGAA Ngaran Pamucuk, DARA Ngaran Kagamel/ Kakukuhin :
- (3) Kulkul Desa utawi Banjar tan wenang katepak, yen tan sangkaning kapekob olih prajuru Adat sajawaning cihna kapanca-baya :

Pawos 25

- (1) Suwaran kulkul tatengeran samuhan pantut katedunin antuk Krama saha mapengange adat kampuh maumpal utawi manut tata kramaning adat miwah dresta:
- (2) Suwaran kulkul pekaryan patut katedunin antuk Krama saha gegawan manut siaran utawi warah-warah saking Prajuru :
- (3) Suwaran kulkul panca-baya patut katedunin antuk Kama saha gagawan manut pepalihan panca baya kadi munggah ring ajeng :

Pawos 26

- (1) Sahanan kulkul sane wenten ring wewidangan Desa Adat Baler Bale Agung punika patutnya rengin katepak prade wenten tatengeran kulkul masuwara nyihnyayang wenten kepanca-baya, bilih-bilih kulkul Desa utawi Banjar :
- (2) Suwaran kulkul sekhe-sekhe tan wenang nyawurin suaran kulkul Desa/Banjar :

Palet 5.INDIK LABA PURA

Pawos 27

- (1) Tanah Laba Pura sane katetenin tur kapuponin oleh Desa Adat puniki, inggih punika Laba Kahyangan Tiga Desa sekadi sane munggah ring lampiran Awig-awig iki :
- (2) Tanah Laba Pura Kahyangan Dalem katetenin tur kepuonin antuk Desa Adat Baler Bale Agung.

Palet 6INDIK DRUWEN DESA

Pawos 28

- (1) Kahyangan Desa rawuhing tanah linggah Kahyangan inucap :
- (2) Bale Desa/Banjar rawuhing tanah tegak bale inucap ;
- (3) Piranti-piranti, luwire : margi Desa/Banjar miwah rurung ;
- (4) Lelanguan, luwire : Gong Kebyar druwen sekehe sakewanten indik ngewangunan tur nitenin kasukserahang ring Desa utawi Banjar :

Palet 7SUKERTA PAMITEGEPKaping 1INDIK KARANG TEGAL LAN SAWAH

Pawos 29

- (1) Sahanan karang, tegal lan sawah patut kapikukuhin antuk wates sane pastika nyatur mecihne antuk tembok, pagehan, rurung utawi margi miwah pundukan :
- (2) Wates-wates (panyengker) inucap ring ajeng patut kategen olih sang sanding-kesanding.
- (3) Sahanan karang, tegal lan sawah patut kausahayang tan wenten kabebeng, utawi mangde mapemedal karurung/ kemargi : -----

Pawos 30

- (1) Sinalih tunggil karang, tegal lan sawah, sang madruwe kakeninin amongan telajakan tur kapiara utawi kabecikan, minakadi : -----
 - a. Got-got margi/rurung sane nguwub karang paumahan : -----
 - b. Margi/rurung sane nguwub sajeroning karang paumahnya : -----
 - c. Telabah lan sepennunggalan ipun : -----

- (2) Sinalih tunggil karang paumahan sane kaping ajeng, sang madruwe kapatutang nitenin, utamanipun indik kebersihannyane tur ngarenesin antuk sarwa tatanduran sane mapikenoh ring kauripan : -----
- (3) Sinalih tunggil I Krama Desa / Banjar lan kalugra : -----
- a. Ngelahlah tanah tegak kahyangan, tanah setra / Tunon, Margi / rurung, karang, tegal lan sawah anak sewosan (panyandingnya) : -----
 - b. Ngembahang toya wit wewalungan, toya wit pasiraman, toya wit pawaregan utawi sane sewosan sane kasigeh ngeletuhin / ngaregedin kapekarngan / tegal / sawah anak sawosan (panyandingnya) : -----
- (4) Sapasira mamurug pawos 30 (1), (2), (3), sekadi ring ajeng patut kapidanda kehnya manut pararem : -----

Kaping 2
INDIK PEPAYONAN
Pawos 31

- (1) Tetanduran tanem tuwuh sane kangkat katandur ring karang paumahan minikadi kelapa gading miwah kelapa sebacakan punika utawi sane sewos-sewosan, (sajawaning sane kasinanggeh mayanin padruweyan anak sewosan (panyandingnya) tan kengin langkng ring adepa-tengah : -----
- (2) Yaning wenten wit wiadin taru kasinanggeh mayanin, patut karebah olih sang madruwe ; --
- (3) Saluwiring tetanduran utawi entik-entikan sane nawoin mapuara kapocolan anak sewosan (panyandingannya) sang madruwe patut ngerebah wit punika, senistan-nistanipun notor majalaran antuk sepat gantung ring tengahing wates.
- (4) Yaning sang madruwe taru inucap tan wenten ngelaksanayang sadaging Pawos 31 (2), (3) punika, sesampun ping tiga kapelungguhang antuk sang nyanding, indik punika kasukserahang tur katitenin olih Prajuru Adat ; -----
- (5) Yaning prade ngantos ngarubuhin (mayanin) padruwen anak sewosan, sang madruwe taru punika patut keni prabeaya panyngaskara tur taru inucap manjing (karampag) ring saha karubuhin ; -----

Kaping 3
INDIK WAWANGUNAN
Pawos 32

- (1) Sahananing wewangunan tan wenang ngawanang kapocolan sang pakadinnya (panyandingnya) ; prade wenen mamurug wenang wewangunan inucap kagubar saha tan polih prebeaya utawi kapocolan ; -----
- (2) Wewangunan ring talenging wates patut ngawentenang pangum ring pakadinia tur masadok ring Prajuru Desa utawi Banjar, Prade mamurug riwekas yan kuwara olih pakadinia, wenang wewangunan inucap kagubarsaha tan polih prabeaya utawi kapocolan ; -----

Kaping 4
INDIK WEWALUNGAN
Pawos 33

- (1) Sehananing wewalungan (ubuh-ubuhan) patut ketitenin, minakadi kategul, kagelopor mangda tan wenten ngarusak utawi ngarusuhin karang utawi pakubonan miwah tetanduran (abian-abian) anak sewosan, bilih-bilih ngantos ngaranjing ngaletihin Kahyangan : -----
- (2) Prade wenten sane mamurug sekadi inucap ring ajeng, patut kasadokang (kapelungguhang) ring sang madruwe wewalungan punika : -----
- (3) Yan kantos ping tiga kasadokang (kapelungguhang), raris pasadok inucap kelanturang ring Prajuru Adat, mangda katiwakin pamidanda sekadi ring sor puniki : -----
- a. Sang madruwe wewalungan ngawaliang sahanan sane karusak tur prebeaya kapocolannya manut pamutus Prajuru Adat ; -----

- b. Ngupakara cecaron yaning wewalungan inucap kantos ngaletuhin kahyangan manut pamutus Prajuru Adat ; -----
- c. Wewalungan inucap kengin taler kataban manut tata cara luwire : -----
Sang naban polih prebeye sajeroning miare ; paidetan kalingu, mawinang polih prabeya saking sang madruwe wewalungan inucap ; -----
Sang madruwe wewalungan patut nawur prabeye ring sang naban manut pangelokika Prajuru Adat. -----

Pawos 34

- (1) Sahananing wewalungan tan kangin keangoning ring ; -----
a. Penataran (palemahan) Kahyangan, tanah Desa / Banjar / Subak miwah tanah / karang anak sewosan ; -----
b. Margi / rurung, setra miwah ring boya padruwennya ngaraga -----
- (2) Prade wenten sane mamurug patut kapidanda agung alitipun manut pararem.

Kaping 5INDIK PANCA BAYA

Pawos 35

- (1) Sapasira ugi lumaksana corah, sane manggihin yadiapin uning, mangda digelis kasadokang ring Prajuru Adat, bilih-bilih mabuat pisan kawentenan patut digelis nyuwarayang (nepak) kulkul mapitulung manut Pawos 24 ring ajeng manut rupan kacorahang inucap ;-----
- (2) Kahanan jiwa-baya taler patut nyuwarayang (nepak) kulkul mapitulung manut Pawos 24 ring ajeng, tur sang mayanin inucap patut kapidanda manut pararem saha kesukserahang ring Rumawos ; -----

Pawos 36

- (1) Sapasira ugi uning ring kawentenan baya utawi pangken baya patut pramangkin masadok ring Prajuru Adat utawi nyuwarayang (nepak) kulkul mapitulung manut Pawos 24 ring ajeng, luwire ; -----
a. Umah Puwun ; -----
b. Belabar Agung utawi anyudang belabor ; -----
c. Lindu atitir, angina belisung miwah sane sewos-sewosan sabacakan punika

Kaping 6INDIK PANYANGGRA TEMPEK / BANJAR

Pawos 37

- (1) Pakaryan sinalih tunggil Krama sane mabuwat kengin ngedih panyanggra karma Tempek utawi Banjar, tur indik panyanggrannya kaetang antuk Prajuru Tempek miwah Banjar sowang-sowang manut pararem utawi dresta.
- (2) Yaning karya utawi yadnya inucap kalintang werat (bobot). Tempek utawi Banjar wenang ngedih panamph ring Tempek utawi Banjar sewosan tur katurin pangu anut ring wibuh-kincit karya utawi yadnya inucap;-----

Pawos 38

- (1) Penyanggra sane kemaegiang oleh Banjar mantuk ring I Krama Luwir ipun---
a. Ngupakara sawa utawi sahanan pitra-yadnya diastun pesawa ;-----
b, Sahanan Yadnya (Dewa,Rsi,Pitra, manusa, miwah buta)
- (2) Sajeroning I Krama nyanggra karya utawi yadnya sekadi ring ajeng kepatutan mepengangge manut busana sapri Kramaning Adat saha patut kewentenang pujastawa miwah kidung/kekawin katuntun antuk prajuru Adat
- (3) Sejaba kadi inucap ring ajeng, naler pakaryan sekadi ring sor puniki, kengin ngedih penyanggra, luwiripun;
a. Ngisidang sakaluwir wewangunan;
b. Makarya raab (Nyukcuk) ;
c. Ngeraabin;

d. Miwah sane sawos-sewosan sapuhanggalan ipun

Kaping 7

INDIK LELUPUTAN AYAHAN

Pawos 39

- (1) Desa miwah Banjar mapaweh leluputan ayah mematu-matu miwah pakenan-kenan ring sang inggiling lingging ring sang kewelas asih, liwiere ; -----
 - a. Prajuru Desa/Banjar Adat
 - b. Para Sadaka, Pemangku Sad Kahyangan, Dang Kahyangan Kahyangan Tiga miwah Kahyangan Pangelun Bale Desa/Banjar Adat ;-----
 - c. Wong sakit tahunan, wong cedangga banget, wong buduh, lan sapenunggalanipun
- (2) Desa miwah Banjar taler mapaweh papuangkid ngayah, yaning salah sinungil karma katiben pakewuh, liwire ;-----
 - a. Ngalaksanayang sahananing yadnya ;-----
 - b. Matepetin kulawarga sungkan werat ;-----
 - c. Keni Penyungkan ;-----
 - d. Alelungan mabuat ;-----
 - e. Ngamargiang geginan Jagat miwah sane sewos-sawosan manut paperam ;

SARGA IV

SUKERTA TATA AGAMA

Palet 1

INDIK DEWA YADNYA

Pawos 40

- (1) Parahyangan-perahyangan utawi palinggih-palinggih penyiwian, luwire;-----
 - a. Pura Desa/Pusah Bale Agung, magenah ring desa Pakraman Puseh Agung Keluruahan Banjar Tengah, kapekendelin olih kalihn Desa Pakraman luwiren : Desa Pakraman Baler Bale Agung miwah Desa Pakraman Puseh Agung Keluruahan Banjar tengah ;-----
 - b. Pura Dalem, Setra miwah Pangulun Setra (Prajapati) magenah tur kapekendelin olih Desa Pakraman Lelateng ;-----
 - c. Pura Tilar Negari, Pura Padadian (Panti, Paibon Merajan) sane magenah ring wewidangan Desa Pakraman Banjar Tengah kapekendelin tur kasiwi olih sowang-sowang pakulawarga utawi kewangsaaan ;-----
- (2) Perahyangan-perahyangan utawi Palinggih-palinggih penyiwian inucap patut kapiara miwah katetenin kasucian miwah kabersihan lan kaasriannya olih I Krama Desa / Banjar utawi panyiwinya sowang-sowang manut Sastra Agama ; -----
- (3) Patirtan Parahyangan-perahyangan Panyiwian Desa sekadi ring Sor ;-----
 - a. Pura Desa/Puseh ring rahina Saniscara, Kliwon Wuku ning Landep ;-----
 - b. Pura Dalem/Penghulun Setra (Prajapati) ring Budha Wage Ukir;-----
- (4) Patirtan sowang-sowang Pura Padadian kasukserahang ring pakandelnya manut drsta ;-----
- (5) Pangaci ring Pura inucap, nista, madya, utama kaanutang ring kawentenannya (desa kala patra) utawi manut pararem ;-----

Pawos 41

- (1) Prajuru Desa/Banjar Adat patut nuntun ngenterang I karma utawi pekandel/panyiwian ngemanggehang kasucian parahyangan utawi pura/Palinggih manut Dewa Widhi Tatwa utawi Sastra Agama ;-----
- (2) Sajeroning ngamanggehang kasucian Parahyangan / Pura sang kasinanggeh latuh utawi candala tan kengin ngaranjing kajeroning parahyangan / Pura inggih pinika ;-----
 - a. Jadma luh sabel-kendel, minakdi : ngaraja-sewala, karron, madruwe oka durung bulan pitung dina, lan sapanunggalanipun manut sengker ;-----

- b. Sahanan jadma patita, minakadi panak bebinjat, wong beling kasanggaman tan sinangskara, wong mamitra ngalang, wong sakit ila, jadma buduh lan sapanung galanipun ;-----
- c. Jadma sane kapastikayang panten manut pararem ;-----
- d. Jadma cuntaka / sebel antuk kapedeman manut sengker ;-----
- (3) Prahyanan / Pura kasinanggeh keni durmanggala, luwire :-----
 - a. Karanjingan sato agung, ngawit saking bawi ngemungganghang sajawaning kalaning mapedada ;-----
 - b. Sahanan sane kasinanggeh letuh manut sastra Agama, minakadi, tulang rah sakaluwir wiwitan watang, Layudan pitra-yadnya miwah sahanan letuh sane sewosan ;-----
 - c. Wak parusiya minakadi memisun lan sane sewosan sabacakan punikan ;-
 - d. Majaljal utawi magarengan miwah masiat bilih-bilih jantos kanin menu rah ; -----
 - e. Makoratan, mawaris, masanggama miwah laksana kawon sewosan ; -----
- (4) Sapasira mamurug kadi ucaping ring ajeng wenang kapidanda manut pararem ; -----

Pawos 42

- (1) Prajuru Desa pakraman patut patut mastikayang Pamangku sane kengin munggah tedun ring Palinggih Parahyanan Panyiwian Dasa / Banjar miwah ngiyasin pratima ;-----
- (2) Sajawaning sang kapastikayang kadi inucap ring ajeng, Sapasira ugitan dados munggah ring palingih-palingih Kahyangan Desa/Banjar/Subak Sawah lan Subak Abian, bilih-bilih ngamet nedunang pratima (pralingga) ;---
- (3) Prajuru tan maren nureksa nitenin mangda I Pemangku ajeng nganutin sesananya dumugi tegeg keeningannya ;-----
- (4) Prajuru patut mastikayang indik piodal miwah aci-acinya Kahyangan sane pacing kamargayang makadi wibuh kincit miwah indik tata pangelaksananya.
- (5) Tanah laba pura saha upon-uponnyane, puniya-puniya sane katur kalih druwen kahyangan sami kapastikayang tur katitenin antuk Prajuru ; -----

Palet 2
INDIK RSI YADNYA
Pawos 43

- (1) Sang pacang mapudgala/madwijati sajawaning nunas panugrahang ring sang Rumawos (Parisada Hindu Dharma lan Sang Mawangrat), naler patut mesadok ring Bendesa ; -----
- (2) Bendesa patut sareng nureka nitenin mangda sulur kalih pamargine jati-jati manut ring kacaping Agama ; -----
- (3) Parade wenten sinanggeh kantun wawang, pamekasnya indik kasucian angga lan adnyana rawuhing parilaksananya, wenang Bendesa atur uning ring Sang Rumawos mangda panugrahannya siddha jati-jati manut kacaping sastragama ; -----

Pawos 44

- (1) Pemangku Kahyangan Tiga Desa sane jaga kaadaegang patut nganutin sulur miwah pararem sekadi dedunonan ring sor punilki : -----
 - a. Pilihan saking Krama : -----
 - b. Ngawilang asking turunan ;-----
 - c. Nyanjan (nunas puwus Sanghyang Widhi), yaning kasaratnag sang tedun wenang kapintonin antuk aci papintonan
- (2) Prebeye utawi upacara-upakara widdhi (mawinten) Pemangku Kahyangan Tiga Inucap kaemedalang antuk I Krama; asapunika taler kapungkur ring lampusnyane ; -----

- (3) Sang kaadegang Pemamngku, sewosan sekadi ring ajeng, mangde manut ring kacaping satragama taler sang sane sampun marabian, sajawaning cacatrian/pawuwus Widdhi ;-----

Pawos 45

- (1) Sang sane tan dados kamanggehang utawi kaadegang Pemangku luwire ; ----
 a. Ceda angga sane manawi tan maresidayang ngamargiang tata karma ning Pamangku ; ---
 b. Kegeringan luwire : Sakit ila, ayam, buduh lan sapenunggalipun
 c. Ulah cacad luwire : angrabinin wong arabi, malegandang (paradara) memaling, memati-mati lan sapenunggalipun ; -----
 d. Buta aksara sajawaning cecatrian (pawuun Widdhi) ; -----
 (2) Pamangku kawusanang saking nganutin pamutus pararem, prade sampun janten lempas ring tata kramaning kepemangkon manut sastragama ; -----

Pawos 46

- (1) Swadharmaning Pemangku ; -----
 a. Ngantebang upakara-upacara Saluwir aci-aci ring Pura/Kahyangan Desa/Banjar/Subak Sawah/Subak Abian miwah ring Krama ;-----
 b. Ngantebang saluwir aci-aci miwah panawuran wong desa utawi wong dera desa ;-----
 c. Nitehin nuntun kasucian Kahyangan miwah I Krama Desa negegang Agama ; -----
 (2) Sang mapenawuran ring Kahyangan Desa patut masadok ring Prajuru Desa Pakraman mangde sane patut katur puniane ring Kahyangan janten pah-pahannya sareng Pemangku luwire : leluwes, wewalen, arta-brana, sesari, wewalungan suku pat wiyadin saku kalih, pala bungkah, pala gantung patut kadruwe olih Desa ; -----
 (3) Sajawaning panawuran kadi mungguh ring ajeng, minakadi aturan / punia sane lumbrah katunas miwah kapiserah ring Pemangku ; -----
 (4) Patuwas Pamangku Luwire : -----
 a. Dasar suci ritatkala aci-aci ring Kahyangan ; -----
 b. Artha-daksina panganteb ritatkala wenten sang mapenawuran ; -----
 c. Pala-kiwa guling ritatkala wente sang mapenawuran madaging guling ;----
 d. Manut pamuput tetimbang bebawos Prajuru Desa ; -----
 (5) I Krama Desa kapatutan ritatkala ngalaksanayang yadnya-yadnya ngaturang punia ring Pamangku manut wibuh kincit yadnyane ; -----

Pawos 47

- (1) Sang pacang mawinten utawi mapudgala, maka buatan pacang memargi ngamangkunin, nyonteng, kebayan, dalang, miwah sakaluwiring pacang ngenterang yadnya, patut masadok ring Prajuru Desa/Banjar ; -----
 (2) Prajuru / Desa Banjar patut ngawas nitenin mangda pamargine manut ring kecaping sastragama utawi drsta ; prade macihna sasaring sesana miwah kecaping sastragama, wenang sastragama, wenang kaalangan ; -----
 (3) Sang tan terima ring tetuwek inucap dados nunas pamatut ring sang Rumawos sinanggeh pamutus tan kawicaranan ; -----
 (4) Prajuru Desa/Banjar/Subak Sawah/Subak Abian patut nuntut saha ngamenggala I Krama ngawas nitenin sapamargin para Sulinggih miwah Pemangku sane wenten ring wewidangan Desa Pakraman Baler Bale Agung, pamut mukukuhin kasucian lingginnya, prade wenten kacihnan sasaring laksana patut digelis atur uning ring sang Rumawos ; -----
 (5) I Krama sami patut sareng ngawas nitenin mangda sahanan yadnya sane kawentenang kaicen pamuput olih Sulinggih utawi Pamangku lan sapa nunggalipun manut dudonan kawenangannya sowang-sowang mantu dresta miwah satragama ; -----
 (6) Prade wenten ngalempasin, bilih-bilih sane pastika nyumuka, Prajuru wenang ngalangan / ngurungin yadnya inucap.

14
Palet 3
INDIK PITRA YADNYA
Pawos 48

- (1) Sang pacang ngangge tunon / setra patut nunas kabebasan ring Prajuru Desa pamekas Bendesa, saha tatane ngangge mangda manut kadi dresta utawi pituduh Prajuru ; -----
- (2) I Krama Desa sami patut nitenin mangda letuh setrane tan wenten ngelahlah utawi kabaka kedasa-krama bilih-bilih ka Kahyangan ; -----
- (3) Sawa sane pacang kageseng utawi kapendem ring tunon / setra, kula warganyane patut nawur “penanjung batu” (panukon tunon / setra gung arta ,anut pararem ; -----
- (4) Sapasira ugi tan kapatutang mendem utawi ngeseng sawa ring desa karma, sang mamurug wenang kapidanda manut pararem ; -----

Pawos 49

- (1) Pemargin pitra Yadnya madudonan pangupakarannya, sekadi ring sor puniki :
 - a. Mapendem pramangkin nganutin rahina sene kamanggehang antuk pararem miwah Prajuru Desa
 - b. Pangaben malelet langkung ring 7 rahinan saking lampus patut katitenin sapatutipun mangde tan kantos mambu.
 - c. Pengabenan tan malelet sajeroning 7 rahina saking lampus.
 - d. Sang ngamargiang pengabenan sawa sane sampun mapendem ring tunon/setra dados kaunggahang ring tampang salu ring desa karma, sakewanten mangde kagentosin antuk sawa karesian.
 - e. Yan wenten wong padem ring jaba Desa Pakraman Baler Bale Agung, sawa ika kangkat bakta mantuk ring karang desa karma sajeroning pacang kawentenang pidabdab jaga mendem utawi kageseng.
 - f. Yan wenten wong padem sajeroning Desa Pakraman Baler Bale Agung nenten me Agama Hindu tan kangkat kapendem ring tonun/setra druwen Desa Pakraman.
 - g. Yan wenten wong padem sajeroning wewidangan desa Pakraman Baler Bale Agung tan wenten sane ngelingin sajeroning awuku, sesampun kasadokang ring sang rumawos, I Krama Desa Patut mendem sawa ika ring tunon/ setra manut adat istiadat Agama Hindu.
- (2) Tan kalugra mendem / ngeseng sawa ring rahinan sekadi ring sor ;
 - a. Purnama wiadin Tilem miwah rerahinan jagat.
 - b. Petirtan – petirtan ring Pura Kahyangan Tiga Desa / Banjar miwah sane sewos-sewosan manut dresta.
- (3) Tan kaluarga ngereka sawa ritatkala jagate kabrehan utawi kageringan.
- (4) Yan wenten wong desa padem lintang ring adiri sajeroning arahina, sane masadok rihinan patut mendem, wus punika patut kasundul antuk sane ungkaran.
- (5) Pengaben tan kalugra kalaksanayang sadurung sane ngaben rihinin puput mesesapuh.
- (6) Yan wenten kalaning ngaben ngabet sawa, ring rahinan ngabet puniki tan kalugra mendem sawa.

Pawos 50

- (1) I Krama Desa sane pacang atiwa-tiwa patut nunas kabebasang ring Bendesa
- (2) Bendesa patut nitenin tur nuntun sareng prajuru sewosan, mangda yadnya ika lanus kasantulan kasukaertan Desa Krama ;-----
- (3) Pakaryan atiwa-tiwa utawi upakara sawa patut kasukserah ring Desa utawi Banjar manut dresta miwah pararem ;-----

- (4) Desa utawi Banjar sumakuta nyanggra utawi ngewehin kebabasan manut pararem; ---

Pawosn 51

- (1) Yening wenten sinalih tunggil I Krama madruwe kaluwarga lampus, I Krama kapatutan majenukan saha kabaktan beras miwah jinah manut pararem ; ---
 (2) I Krama ritatkala ngusang sawa, bade miwah pranti-piranti sane sewosan mangda sangkaning trepti rawuh ring tunon/setra ;-----
 (3) Panyanggra miwah panguing sang mayadnya majeng I Krama ngaturang ayah mangda kaanutan ring wibuh-kincit yadnya inucap ;-----

Palet 4

INDIK MANUSA YADNYA

Pawos 52

- (1) Manusa-yadnya inggih punika sinanganskara manusa ngawit saking patemoning purusa pradana utawi sukla-swanita/kama petak-kama bang, kantos sajeroning kanton maurip, yan tan samangkana kasmnggeh ngaletihin Desa Pakraman.
 (2) Sang sane wawu matemu alaki-rabi kapatutang kasinanskara senistan-nistanipun tutug tigang rahina maprayascita miwah mabiyakala manut catur dresta (kuno dresta, desa drsata, loka dresta miwah sastra dresta, utawi manut “Desa Kala Patra”

Pawos 53

- (1) Pawiwahan manut upacara-upakara adat istiadat Hindu tan kengin kalaksanayang yan tan sang inucap me Agama Hindu ; -----
 -

Palet 5

INDIK BHUTA YADNYA

Pawos 54

- (1) Bhuta yadnya inggih punika upacara-upakara banten pabiya-kalan (palaba) miwah pacaruan sarwa prani ring Ibu Pertiwi ring Pura/Kahyangan, ring manusa muwah ring babutann luwire
 a. Sarwa tumuwuh/tanem tuwuh ; -----
 b. Sarwa ingon-ingonan ;-----
 c. Lelandep sarwa besi ;-----
 d. Gamelan ;-----
 e. Wewalian miwah bali-balian ;-----
 (2) Upacara – Upakara inducap kalaksanayang manut genah miwah panyawang rerahina miwah sasih sane kemanggehang antuk Krama Desa-----
 (3) Upacara-upakara bebanten ring Ibu Pertiwi ring natar perahyangan, natar paumahan ring bebutan kasinanggeh caru madudon manut nistya madya utama

Pawos 55.

- (1) Senangken warsa ring tileming ceitra (kesanga) ring catus pata Agung kawentenan tawur ke Sanga (ngerupuk), sore utawi wengi I Krama Desa mabuu-buu (maobor-obor) nyatur desa jaga nyanggra pengantosan icaka warsa katah kewastanin “NYEPI”, ring tanggal pingpisan sasih waicaka (kadasa) ; -----
 (2) Ring sipengnyane tanggal ping pisan sasih waicaka (kadasa) I Krama kepatutang ngelaksanayang catur brata penyepian sakadi ring sor : -----
 a. Amati gni, tan kengin maapi-api sekala niskala ;-----
 b. Amati karya, tan kengin makarya (nyambut gawe) ;-----
 c. Amati lulungan, tan kengin melelunganyan ; -----
 Amati lelungan, tan kengin maoneng-onengan, ajejuden miwah maswara goro ; -

- Punika kalaksanyang arahina miwah awengi ;-----
- (3) Benjang semengnyane tanggal ping kalih sasih kedase melarapan swara ning kulkul Bale Agung/Desa/Banjar kawatanin “ngembak api/gni” Inggih punika ngalukar yoga Samadhi (catur brata penyepian), kelanturang antuk upacara masima karma (dharma canti) ; ---
 - (4) Prajuru patut nuntun saha madabdabin mangda Desane siddha trepti ring rahina Sipeng ngelaksanyang catur berate penyepian sekadi ring ajeng tur katitenin antuk “PECALANG”, sang mamurug patut kapidanda gung arta manut pararem ; -----

SARGA IV
SUKERTA TATA PAWONGAN

Palet 1
INDIK PAWIWAHAN
Pawos 56

- (1) Pawiwahan inggih punika, patemuning purasa kalawan Predana malarapan panunggalan kayun suka cita kadulurin upasaksi sekala lan niskala.
- (2) Sajawaning kadi inucap ring ajeng, pawiwahan taler mangda manut ring daging Uger-uger jagat (Undang-undang No. 1 Tahun 1947 Republik Indonesia, Peraturan pemerintah No. 5 Tahun 1975) miwah manut kadi Paswara Gubernur Kepala Daerah Provinsi Daerah Tingkat 1 Bali.
- (3) Pemargin pawiwahan luwire ; -----
 - a. Pepadikan, maduluran suka cita sangkaning paigum pakayun kula warga sang kalih Purusa kelawan Predana
 - b. Ngerorod (marangkat) malarapan antuk kayun suka cita lanang wadu
- (4) Pawiwahan sane kalaksanayang manut ring angka (3). B Pawos iki, kepatutang lumaksana sekadi ring sor ; -----
 - a. Saking purusa ngawentenang pejati ring predane mawanang 12 jam.
 - b. I Krama sane karawuhan pawiwahan inucap mangda ngawentenang atur upeksa ring Prajuru Desa miwah Dines ;-----
 - c. Prajuru inucap patut nureka tur netesang manut kalawan lempas ring sedaging Paswara Gubernur inucap ring ajeng ;-----
 - d. Prade pamargi inucap sampun nepek sang ngerorod / merangkat kalih sang nampi polih pamikuhkuh pesayuban Banjar /Desa ; nanging yan tan nepek wenang katulak, utawi kapalasang saha katur ring sang Rumawos ;
 - e. Maletan tigang rahinannyane saking mapejati tan mari kawentenang bebaos pangeluku miwah pasuka olih sang purusa gumentos prasida molihang rumaketing wirasa. ;-----
- (5) Prade bebawosan pangeluku miwah pasuka inucap tan mari molihang pamutus saking sang predana, indik punika kasukserah mangda molik pamutus ring Prajuru Desa.
- (6) Sang alaki rabi sakadi munggah ring ajeng patut ajeng patut kasinagaskara antuk upacara-upakara sisnistan-nistanipun bayakala, sakingrang-kirangipun asasih saking alaki rabi.
- (7) Ritatkala sinangaskara patut kawentenang upacara-upacara serah kapiserah saha upakara Canang pangerawos sategepipun manjinahgung arta manut pararem, tur jinah inucap jaga kaepah kallih, abagi manjing ke Desa Pakeraman sane malih abagi mantuk ring pawarannyane. ;-----

Pawos 57

- (1) Yan wenten wong dura desa ngalaksanayang pawiwahan ngerorod / marangkat masayuban ring paumahan salah sinunggil I Krama Desa, patut masadok ring Prajuru Desa Adat / Dines, prade tan nginutin I Krama ika wenang kapidanda manut pararem.
- (2) Sang sapa sira ugi jaga netesan utawi natasan tan keluarga yan tan kasarengin olih prajuru desa inucap ;-----

- (3) Prajuru Desa patut paritetes ring sang jaga natasin inucap ; yening sampun yukti kapernah wiring ring sang wadu, patut digelis kaanter ring genah sang marangkat masayuban.
- (4) Sang natasin patut tinut ring sapituduh Prajuru Desa indik tata cara natsin sakdi ring sor ;
 - a. Ngaranjing ring uamah genah masayuban sang marangkat inucap tan kengin langkung ring adiri, sajawaning Prajuru Desa inucap .
 - b. Tan kengin makta sanjata utawi kang sinanggeh gegawan.
 - c. Tan kengin lumaksana kalih mabawos parusya nantang .
- (5) Sanapake Prajuru Desa patut midadabin mangda tata cara panetesan ika trepti, pamekas mangda anake istri sane marangkat inucap polih miterangang deweknyane sangkaning aris tan wenten sane ngawawa, luwir pidabdabe kadi ring sor ;
 - a. Anake istri kagenahang ngaraga tan kengin anak sewos nampekin kirang ring tigang depa tur tinas ring inange.
 - b. Prajuru Desa nuntun nyulurang sang natsin jaga ngawentenang pitaken ring anake istri.
 - c. Prajuru Desa nyumakutayang pamekas ring sang istri mungging dane pacang nguwehin pasayuban manut ring daging idepnyane ; yening prade pada arsa utawi sukacita angerorodan / merangkap inucap sang natasin pacang katulak ; nanging yening sangkaning parikosa, sang istri wenang kapalasang tur sang lanang wenang katiwakin pamidanda manut pararem.
 - d. Pamekas Prajuru Desa dumogi lumaksana ring pamutus sang istri inucap.

Pawos 58

- (1) Pawiwahan kang sinanggeh ngetuhin Desa Pakraman inggih punika ;
 - a. Gamia-gamana luwiripun :
Alaki rabi ring tumin dinyama, pianak temen, pianak dinyama, rerahe dinyame, semeton sodet, semeton sewos ibu, semeton dicambara, semeton idih-idihan, semeton matunggalan susu, pianak manti, pianak kwalon sameton kwalon.
 - b. Pawiwahan tan kasinangskara langkah ring asasih. ;-----
 - c. Salah timpal masesaki buron. ;-----
- (2) Sang mamurug kadi lingging angka (1). a miwah, b. patut kapalasang tur wong inucap kapatutang mapahayu (merayascita) Desa.;-----
- (3) Pawidhi-widhanan sang alaki rabi manut tata cara adat istiadat Hindu Dharama, tan keluarga kalaksanayang yening wong inucap tan ma-Agama Hindu. ;-----
- (4) Yening wenten mamaksa utawi malegandang anak istri, patut kapalasang tur kane pamidanda. ;-----
- (5) Sang lumaksana Drati-krama, maitra ngalang wenang kapidnda tur mangda ngalaksanayang upacara sapatutipun.;-----
- (6) Yening wenten ngarabinin wong arabi, ngarangkatang wong arabi, wenang kapidanda ;---
- (7) Pawiwahan kasinanggeh patut ring Desa Pakraman Baler Bale Agung, sekadi ring sor ;
 - a. Pawidhi-widhananya kapuputang antuk Sulinggih utawi sangkaning panugrahan sang Sulinggih ;-----
 - b. Kasaksinin antuk Prajuru Desa Adat miwah Dines saha majalaran antuk llikta pawiwahan (Akte Perkawinan manut kadi Undang-Undang No. 1 th. 1974 Republik Indonesia miwah Paswara Gubernur Kepala Daerah tingkat I Bali) ;-----

18
Palet 2
INDIK PALAS MERABIAN
Pawos 59

- (1) Palas marabian patut kaputusang olih pamatut Jagat (Pengadilan Negeri) madasar antuk pasadok miwah pinunas salah sinunggil alaki rabi, melarapan antuk ; -----
 - a. Pade waneh ;-----
 - b. Salah sinunggil lampus ;-----
 - c. Tan presida rukun, wiadin tan mari ngawentenang biyota ; -----
 - d. Salah sinunggil tan mari anasar laku/anasar dharma ;-----
 - e. Salah sinunggil cedangga utawi wangdu ;-----
 - f. Tan nyanggama saha tan ngupajiwa langkung ring tigang sasih ;-----
- (2) Palas marabian sane sampun polih pamutu sakadi inucap ring ajeng patut kadulurin antuk upakara widhi widhana masamsam ring Pura Desa/Bale Agung manut kacaping sastra Agama .;-----
- (3) Riwekas sang sampun palas marabian inucap adung malih marabian, patut ngalaksanayang tata cara utawi upacra-upakara kadi nguni. ;-----

Palet 3
INDIK BALU
Pawos 60

- (1) Sang balu manut pawongan kabinayang dados kekalih luwire ;-----
 - a. Balu wadon wit sentana rajeg ;-----
 - b. Balu wadon boya saking sentana rajeg ; -----
- (2) Swadharmaning sang Balu inucap sekadi ring sor ;-----
 - a. Ngawisesa waris saking paguna kaya nguni bilih-bilih mula pecak warisan, nanging tan kuwasa ngadol, ngadegang, makidihang sajeroning durung polih kaembang saking sang patut pawaris ;-----
 - b. Kangkat meras sentana riantuk tan madruwe putra, nanging sadurunge patut wenten kaembasan melarapan antuk pidabdab sane becik marep ring kulawarga sane pinih tampek pakula-wargannya ;-----
- (3) Balu wadon, wiadin lanang (sentana) kengin kawalian kaumah deha / teruna saha tan polih pah-pahan paguna kaya, yening tan pageh ring swadharmaning balu minakadi :
 - a. Nilar kadaton tan pasadok sajeroning awarsam ;-----
 - b. Anasar laku utawi tan mari ngawentenang biyota tur tan prasida ngentosin solah ring ipah purusa wiadin pecak kulawarga rabine ;-----
- (4) Prade sang Balu inucap pageh ring swadharmaning balu, raris katundung antuk sentana (kulawarga purusa), kepatutang sang Balu inucap polih pah-pahan peguna kaya ;-----

Palet 4
INDIK SENTANA
Pawos 61

- (1) Mungging sentana wenten kalih soroh luwire : -----
 - a. Pratisentana wiyadin sentana rajeg ;-----
 - b. Sentana saking paperasan ;-----
- (2) Pamargan ngawentenang sentana kapatutan masadok ring Prajuru Desa/Banjar ;-----
- (3) Prajuru Desa patut digelis nitenin tur nartayang ring jaba-jero Desa Pakraman iki sang kalanturang ring sang Rumawos (Pengadilan Negeri) mangda molih ilikita sepatutipun.
- (4) Risampun molih ilikita kadi ring ajeng patut digelis kasinangskara sapatutipun saha kaupasaksi sekala lan niskala ;-----
- (5) Sang patut kaperas anggen sentana kadi ring sor ;-----
 - a. Jadma Agama Hindu ;-----

- b. Kulawarga saking purusa kapingajeng, yan tan wenten kengin saking wadu, prade taler tan wenten wawu kengin sakitaning arepnyane ;-----

Palet 5

INDIK WARISAN

Pawos 62

- (1) Warisan inggih punika, tetamian arta berana, ayah-ayahan sekala niskala saking kulawarga Purusa arep ring turunannyane ;-----
- (2) Sane kasinanggeh warisan luwire ;-----
- a. Druwe tengah karang / tegal / sawah / paumahan, Paremerajan Sanggah, Pura sesuhunan ;-----
- b. Gunakaya, tetadtadan, jiwa dana miwah hutanh – pihutang ;-----

Pawos 63

- (1) Kang sinanggeh waris inggih punika : -----
- a. Sentana sane munggah ring pawos 61 ring ajeng ;-----
- b. Turunan purusa kasamping minakadi kaponakan dimisan, miwah dimindon tur salnataripun nedunang ;-----
- c. Turunan purusa ngunggahang ;-----
- (2) Sang kapatungan (camput) miwah tan madruwe papernahan warisannyane patut kawenangan antuk dadiya utawi manjing ka dasa sesampun polih pamutus saking Paruman pamucuk.

Pawos 64

- (1) Swadharmaning waris inggih punika : -----
- a. Patut nyanggra tur ngutsahayang tetamian saking kaluwarganyane mekadi ngemponin tetegenan Sanggah / Pemerajan / Pura Kawitan / Dadiya miwah Pura Kahyangan Tiga Desa saha ngupakara rawuhin ayah-ayahnnnyane ;-----
- b. Ngabenang pewaris ngantos puput rawuh ring ngelinggahang saha nawurin hutang-hutangnyane sekala lan niskala ;-----
- (2) Ngalanturang swadharma pawaris ring Desa Pakraman, mekadi ayah-ayahan miwah tategenan-tategenan sane sewosan manut drsta ;-----

Pawos 65

- (1) Waris kengin ngedum utawi ngepah warisan pawaris sesampun puput ngalaksanayang Pitra-yadnya saekadi ring ajeng saha hutang-hutang pewaris buntas katawur ;-----
- (2) Para waris polih pah-pahan pada sane marupa arta-brana kaya saking pewaris;----
- (3) Sinalih tunggil waris sekadi ring ajeng tan polih pahpahan prade :-----
- a. Nilar kadaton utawi ngaranjingin Agama sewaosan;-----
- b. Alpaka guru rupaka wiyadin Guru Swadyaya ;-----

Pawos 66

- (1) Pawaris kengin ngedumang arta-brana paguna kayannya sakantun maurip luwire ;
- a. Melarapan antuk jiwa-dana, tetadtadan (bekel) ring pianak sane kesah merabi.
- b. Ngedumang pungupa jiwa ;-----
- c. Ngedumang tategenan wiyadin padum raksa pahan waris padgata kantor pedum jumenek arep ring warisnyane ;-----
- (2) Prade sajeroning kulawarga wenten waris langkung ring adiri, patut ;-----
- a. Pateh pedumnyane ring sang ngawaris ;-----
- b. Yan tan kasidan antuknyane ring pakulawargannyane, patut katunasang tetimbang ring Kerta Desa ;-----

- c. Prade tan tinut ring tepas Kerta Desa, kengin katunasang ring sang Rumawos (Pengadilan Negeri) ;-----

SARGA VI

WICARA LAN PAMIDANDA

Palet 1

INDIK WICARA

Pawos 67

- (1) Kang sinanggeh Kerta Desa pakaraman iki inggih punika Paruman Pamucuk ;-----
- (2) Saluwir pamutus Kerta desa Pakraman kengin katunasang banding ring sang Rumawos (Pengadilan Negri) olih sang keni pamidanda, sajeroning kalih wuku saking pamutus inucap
- (3) Sajeroning galah punika tan kalaksanayang olih sang ken pamidanda inucap pamutus ring ajeng sampun kasinanggeh sah tur presida kalaksanayang ; ---
- (4) Saluwiring wicara sane mawiwit saking kacorahan miwah kang mamurug sadaging Awig-awig / Paswara / Sima / Pararem, Prajuru digelis nitenin tur kasadokang ring paruman Pamucuk manut wewidanganyane ;-----
- (5) Wicara inucap mangda digelis kawicarayang ring Pasamuhan Paruman Pamucuk ;-----
- (6) Dasar pamutus wicara lan mari malarapan antuk Tri Pramana inggih punika : Bukti, Purwa, Loka miwah Desa Drsra ;-----
- (7) Sahanan wicara tan mari katepasin antuk Catur Drsta, inngih punika : Satra, Purwa, Loka miwah Desa Drsta ;-----
- (8) Sahanan pamutus patut tan mari ngupadi sakadi ring sor puniki ;-----
 - a. Mangda warga desane sayan uning kapastikayang wewantesan iwang kalawan patut .
 - b. Mangda sang kasisipan utawi sang kakwonang tatas uning ring kaiwanganyane.
 - c. Sang Moli (menang) mangda sampun banget nginggilang dewek antuk kamolihan inucap, tur mangda saking kayun lila legawa ngaksamayang tur nyampurayang sang kaiwangan inucap ;-----
- (9) Saluwir pamutus pasamuhan paruman pamucuk inucap sane kasinanggeh mabuat patut katunasang pamikukuh ring sang Rumawos (Pengadilan Negeri) ;-----

Palet 2

INDIK PAMIDANDA

Pawos 68

- (1) Kerta Desa wenang niwakang pamidanda ring angh mamurug Awig-Awig / Paswara/Sima/Pararem ;-----
- (2) Pamidanda sane katiwakang mangda manut ring lingganing Catur Naya Upaya Sandhi, makadi ;-----
 - a. Sama : Wong desa rawuhing Prajuru yan sampun keni kasisipan tan luput ring kawicarayang ;-----
 - b. Beda : Pamidanda ma-sor-singgihang manut agung alit kasisipannyane
 - c. Dana : Tatuwek pamidanda inucap tan wenten sewos wantah ngajegang kasukertaning Desa Pakraman. ;-----
 - d. Danda : Sang pastika sisip tan luput ring keni pamidanda ;-----
- (3) Pamidanda manut kasisipannyane, marupa : -----
 - a. Arta / jinah ;-----
 - b. Ayahan ; -----
 - c. Upacara upakara ;-----
 - d. Kesepekang tur tan polih pasayuban ;-----
 - e. Kenorayang utawi kararyannang ma Krama ;-----
 - f. Kapalsang ;-----
 - g. Nunas pangampura ring Krama Desa utawi Banjar ;-----

- (4) Dasarnniwakang pamidanda kasuluhin antuk satra Agama miwah satra Negara ;-----
- (5) Kasisipan sane patut kipidanda luwire ; -----
- a. Lumaksana anasar dhraman ;-----
 - b. Bebawos tan patut (wak parusya) ;-----

Palet 3
INDIK PEMARGIN PAMIDANDA
Pawos 69

- (1) Pamidanda sane marupa arta brana manjing ring Desa / Banjar / Sekha ;---
- (2) Saluwir pamidanda sane katiwang ring sang mamurug Awig-Awig iki kaungghang ring Pawawara ;-----

Palet 4
INDIK PERAMPAGAN
Pawos 70

- (1) Saluwir pamidanda miwah sahanan urunan, saliwat ring 3 (tigang) sasih karuwon (katawur) utawi negungin, patut kalaksanayang rerampegan sakuwening pamidanda utawi urunan inucap ;-----
- (2) Tata cara ngalaksanayang rerampegan tan mari sakadi ring sor puniki : -----
- a. Kalaksanayang olih Prajuru Desa Pakraman ;-----
 - b. Sang karampag mangda nenten naglangin pamargin rerampagan inucap ;-
 - c. Sang karampag tan mari kaicen piteket sumangdene sajeroning 2 (kalih) wuku brana sane kerampag inucap katebus ; -----
 - d. Yan tan ketebus ring wewanengan inucap barana ika sampun ngangkat manjing ring Desa/Banjar/Sekeha ;-----
- (3) Sane tan kengin kerampag inggih punika brana piranti sane kaanggen ngarereh pangupajiwa miwah sane kaanggen ngamargiyang pailen upacara Agama kalih pasikepan ;-----
- (4) Brana rerampagan kadi ring ajeng sesampun liwat ring wewanengannyane kangkat kaadol utawi kalelang tur kalebihannyane patut matuluk ring sang karampag ;-----

SARGA VII
PASWARA SIMA UTAWI PARAREM
Pawos 71

- (1) Desa utawi Banjar wenang ngardi Paswara, Sima utawi Pararem pinika pamitegep Awig-Awig iki nunggil-nunggil manut dudonan ;-----
- Daging Paswara, Sima utawi Pararem inucap nenten kangkat lempas ring daging Awig-Awig iki ;-----
- (2) Sane patut kaungghang ring Paswara, Sima utawi Pararem, minakadi ;-----
- a. Indik padewasan ;-----
 - b. Rerincian panyacah daging Awig-Awig sane mabuat ;-----
 - c. Agung alit pamidanda miwah sane sewosan abacakan punika : -----
 - d. Tata suur ngamargayang Awig-Awig ; -----
 - e. Indik sewosan sane nenten munggah ring Awig Awig iki ;-----

SARGA VII
NGUWAH-NGUWUHIN AWIG AWIG
Pawos 72

- (1) Nguwah-nguwihin Awig Awig Desa Pakrama iki kalaksanayang olih samuhan Paruman pamucuk ;-----
- (2) Pasamuhan inucap mangda malarapan antuk pakarsan Krama Desa Pkraman ;-----
- (3) Pakarsa nguwah-nguwuhin Awig Awig sakadi ring ajeng kamedalang antuk Paruman Pamucuk kang sadari utawi masarengan ;-----
- (4) Pamutus bebaswos nguwah-nguwuhin Awig Awig mangda malarapan antuk paras-paros miwah saling asah, asih, asuh ;-----

SARGA IX
RAJA BRANA DRUWEN DESA
Pawos 73

- (1) Raja brana utawi jinah druwen desa, inggih punika : -----
 - a. Paturunan I Krama ;-----
 - b. Jinah Pamidanda ;-----
 - c. Dana puniya utawi sarin tahun miwah sarin babanten ;-----
 - d. Pamopog utawi pangepok miwah pananjang batu ;-----
 - e. Arta dana paican sang mawang rat ;-----
 - f. Pikolih saking usaha I Krama Desa utawi Banjar ;-----
 - g. Miwah sane sewos-sewosan sane malarapan antuk dharma sdhana ;-----
- (2) Raja brana utawi jinah druwen desa inucap sanagken warsa ring paruman patut kasinahan miwah kadartayang antuk Prajuru pamekas Bendesa ;-----

Pawos 74

- (1) Prajuru Desa senangken warsa patut ngawe pawilangan rerancangan indidk jinah sane jaga rumanjing miwah sane kamedalang antuk Desa tur raris katunasang pamutus ring paruman kapungkur ;-----
- (2) Pamutus pawilangan jianah inucap ring ajeng pinaka uger uger utawi sepat siku-siku I Prajuru sajeroning ngemargayang usaha-utsaha desdane sajeroning warsa ika ;-----
- (3) Sanangken tigang sasih I Prajuru Desa pameks Bendesa patut nguningang pamargin ngenterang jinah ring ajeng ring Paruman Pamucuk Desa Pakraman ;-----

SARGA X
PAMUPUT
Pawos 75

- (1) Awig awig iki kasinanggeh awig-awig Desa Pakraman Baler Bale Agung ;-----
- (2) Awig awig iki kamanggehang ngawit kararemin ;-----

Pawos 76

- (1) Sakaluwir sane durung kabawos ring Awig Awig iki patut kalaksanayang manut tata cara sane sampun ketah memargi malarapan antuk perarem ;----
- (2) Sakaluwir sane durung wenten saderengnya, patut kaanutang ring sadaging Awig Awig iki

Pawos 77

- (1) Awig-awig iki kararemin duk ring rahina saniscara Kliwon, wuku Landep tang, ping, caturmi, cacih cawana, icaka warsa Parwata Cirna Antara Bumi (tanggal bulan Masehi 22 Juni 1985) magenah ring Mandpa Kesari ;-----

(2) Awig awig iki kalingga tanganin olih Prajuru Desa Adat kaabih olih Lurah Baler Bale Agung saha kaupaksaksi olih sang Rumawos miwah sang Amengku Rat.

LINGGA TANGAN PRAJURU DESA Adat

1. Bendesa Adat Baler Bale Agung

ttd

Ida Bagus Ngurah

2. Kelian Adat
Br.BB.Agung
ttd

I Nengah Sila

3. Kelian Adat
Banjar Kebon
ttd

I Wayan Dana

4. Kelian Adat
Br.Pk.Gayung
ttd

I Gst. Kom. Werka

5. Kelian Adat
Br.Pk.Manggis
ttd

I Wayan Weler

Keabih olih
Lurah Baler Bale Agung
ttd

I Nyoman Santra

Kaupasaksi olih

1. Bupati Kepala Daerah Kabupaten Daerah
Tingkat II Jembrana
Ttd.

Drs. Ida Bagus Ardana

NIP. 600001996

2. Badan Pelaksana Pembina Lembaga Adat
Kabupaten Daerah Tingkat II Jembrana
Ketua

Ttd

I Dewa Made Mertha

Baler Bale Agung, 1 Januari 2020

Yang menyalin

Bandesa Adat Baler Bale Agung

ttd

I Nengah Subagia

Catatan :

1. Awig-awig ini disalin/diketik ulang dengan perubahan Jumlah Banjar Adat Menjadi 7 (tujuh) Banjar Adat.
2. Awig-awig ini diketik dan disalin menyesuaikan dengan Peraturan Daerah Provinsi Bali Nomor 4 Tahun 2019 Tentang Desa Adat di Bali.